

quistado; spera esso provedador condur l'exercito nostro salvo di là di Po a grandissima fatica etc. E inteso la morte dil fratello, e il caso mirando: Dio li doni forteza! etc. Dize aver inteso, per lettere di qui, come Zuan Piero Stella secretario nostro mandato a' sguizari non à potuto haver salvoconduto a Trento dal Curzense, *unde* essi provedadori hanno expedito uno cavalaro con uno nostro sguizaro in Alexandria a domino Jacomo Stafer fazendoli intender molte cosse per nome di la Signoria in gratification sua, e che il Stella partì per andarlo a trovar a Zurich a la dieta, e come il Curzense non l'ha voluto far salvoconduto, sichè soa magnificentia e li altri capitani di cantoni e di la dieta voglia operar con la Cesarea Maiestà over Curzense, o per altro mezo a farli haver ditto salvoconduto. Scrive questa note over da matina el dito Stella si dovea partir et andar . . . Dize sguizari è homeni suspetosi; è stà bon averlo avisato. Conclude, sier Christofal Moro suo collega non si sente troppo bene, lassa il cargo a lui, et lui à troppa fatica; voria si vedesse di haver licentia. È mexi . . . è fuora, e li fosse satisfato li arzenti perse in bolognese etc.

Questo è l'hordine dil levar dil nostro exercito de Novi per venir a passar Po.

Antiguarda.

Li cavali lizieri, zoè
Missier Bataia colateral zeneral.
El conte Francesco Rangon.
Missier Zuan Forte.
Missier Cesaro da la Volpe.

Gente d' arme.

Conte Bernardino Forte Brazo.
Missier Antonio di Pii.
El cavalier di la Volpe.
Missier Agustino da Varignano.
Conte Carlo Forte Brazo.
Missier Costanzo di Pii.
La compagnia dil signor Janus di Campo Fregoso.

Fanti.

Due falconeti.
Vigo d' Antonazo.
Joanni da Riete.
Serafin da Cai.

L'artellaria grossa con le monitioni.
Tutti li cari et cariazi.

Retroguarda.

Gente d' arme.

El signor governador domino Zuan Paulo Baion.
El signor Vitello Vitello.
El conte Guido Rangon.
El signor Troylo Ursino.
El signor Paulo con la compagnia dil capitano di le fantarie.

Fantaria.

El capitano di le fantarie con missier Naldo di Brixigella e tutto lo resto di la fantaria con dui falconeti.

Cavali lizieri.

Missier Baldissera Scipione governador di cavali lizieri.
La compagnia dil capitano di le fantarie.
La compagnia dil signor Vitello.
La compagnia dil signor Troylo.
La compagnia dil signor governador.
El magnifico provedador di stratioti sier Zuan Vituri con tuti li stratioti.

In questa matina fo dito, sabato, fo a dì 24, il ducha di Ferara zonse in Ferara con 80 cavali, *tamen* non fu vero.

Da Lignago se intese certo Jacomo Corso contestabile parti e andò contra il vicerè. È restà *solum* alcuni francesi, quali patizavano con todeschi di ussir e dar la terra a l'Imperador e la rocha, e loro andar a Mantoa con salvoconduto.

Di sier Piero Lando orator nostro apresso il Curzense, data a dì 27, a Villa Franca. Come erano zonti li con il Curzense, qual non ha voluto andar a Verona, e da matina partirano per Mantoa.

Da poi disnar, fo Consejo di X con la zonta in materia pecuniaria.

Nota. Ozi zonseno qui 4 mandati da Zara al Consejo di X per sier Sebastian Justinian el cavalier provedador in Dalmatia, tra li qual il cancelier di sier Lorenzo Corer conte di Zara, et fonno portati in ferì e posti in prexon a requisition di cai di X.